



XITATIMENTENHLANGANELO: NTLIMBANO WA LE NDZILEKANINI

SOUTH AFRICAN REVENUE SERVICE (SARS)

SOUTH AFRICAN POLICE SERVICE (SAPS)

BORDER MANAGEMENT AUTHORITY (BMA)

ROAD FREIGHT ASSOCIATION (RFA)

SOUTH AFRICAN ASSOCIATION OF FREIGHT FORWARDERS (SAAFF)

Ravumbirhi, 06 Khotavuxika 2023

EKA VATLEKETLI HINKWAVO LAVA TLULAKA NDZILEKANI

Tindzhawu ta mindzileni ta tiko ti le ku hlanganeni na ntlimbano na mihlwelo yo xakelana na ku phurosesiwa ka titiraka na tinhundzu leti tlulaka ndzilekani, phaseji ya N4 yo ya eMaputo ku hundza hi le ndzhawini ya ndzilekani ya Lebombo yi khumbekile swinene.

Vukorhokeri bya Xibalo bya Afrika-Dzonga (SARS), Vukorhokeri bya Maphorisa ma Afrika-Dzonga (SAPS), Vulawuri bya Vufambisi bya Ndzilekani (BMA), Nhlangoano wa Swifambo swa Nhundzu (RFA), na Nhlangoano wa Varhumelanhundzu wa le Dzongeni wa Afrika (SAAFF) yi le ku tirheni kun'we na hi xihatla ku lawula mitlhontlho leyi ku nga ku hlanganiweni na yona sweswi na ku vuyisela ematshan'wini ku phurosesiwa ka le ndzilekanini hi xihatla.

Hi kombela vateleketli lava khumbekaka na vachayeri va titiraka ku pfuneta hi tshalatshala leri, ku lehisa timbilu no tikhoma, na ku alela ku tikhoma hi ndlela leyi nga fambelaniki no hlayisa nkholuko wa mimovha lowu kondleteraweke ku ya na ku hundza hi le mindzilekanini ya hina. Leswi swi katsa ku papalata milawu ya le gondzweni, ku pfala mitila, no endla leswaku titiraka ti nga fambi.

Ku hlayisa ntshukantshuko wo tshamiseka na lowu yaka emahlweni wa titiraka swi na nkoka ku kotisa leswaku ku phurosesiwa ka titiraka ku va kona eka xiyimo xa manyuwali na nkarhinyana loko ka ha yimeriwile xintshuxo xa mitlhontlho ya vuthekiniki leyi ku hlanganiwaka na yona. Eka xiyimo lexi, na ku papalata ntlimbano ku ya emahlweni, hi tlhela hi kombela titiraka leti nga riki na xitiviso xa xiyimo xa "Proceed to Border" ku ka ti nga tshuneleli ndzilekani na ku ka ti nga paki endzilekanini

loko ta ha yimerile matsalwa ma mbhasiso. Hi hlohotela vaxavisi hinkavo ku tirhisa xitirho ku basisa tinhundzu ku sungula.

Vangheneleri va nga tiyisiwa leswaku swipano swa hina swa vuthekiniki swi le ku tirheni hi matimba ku ololoxa timhaka leti ku hlanganiwaka na tona. Vaofisiri va hina hi ku hambana va le ku tirheni hi matimba ku phurosesa titiraka hi ndlela ya manyuwali hi xihatla swinene naswona hi ringeta ku hlayisa nawu na ntshamiseko eka tiphaseji ta tinhundzu leti khumbekeke, ku katsa na le tindhawini ta vulawuri bya ndzilekani.

Hi kombela mpfuneto wa n'wina eku fambiseni ka hungu leri eka vachayeri na vanakuloni va n'wina va bindzu naswona hi ta tshama hi mi tivisa no engetela leswintshwa mayelana na ku humelela loku endliweke ku ololoxa xiyimo.

MAKUMU